

Alao guai khang Baibal Kaipat ti Louc Mei

Mansei tuang Neila Kahou Mak Mei



Himei: Edward Hughes

Kaba Dinv Louc Mei: Byron Unger; Lazarus

Hanc Pat Louc Mei: Katasin Kamei

Kaluan Kasiamv Louc Mei: M. Maillot; Tammy S.

Pary 60 tuang 2

www.M1914.org


Bible for Children, PO Box 3, Winnipeg, MB R3C 2G1 Canada
Nu Lou Mei: Nang rui juanv khang ham mak ge thei nam pat dat lana sin su nu e.


Rongmei

Raguang rui ram kapum na dam lou the! Kumna rei mei mansei Adam khatnic kanou Eve ta Eden Pikuan khou dam lou khou tei Kanei tei nthui mei ram neila neila na Raguang lat piu na bam khuane. Tiki nei khat kanei neila mei mak na rianra thao khuan the.



Thing thai bang kaguai na khou mei thai tu riu tuna Raguang rui sa lou bo? tuna Eve khou nrui tei rui thanv the. Kaguai na tu nu de tiki khatna tho tu rio tu e, tu rap ethei nang thei puni.





Kahi sini kahi
riu tuna sa e tuna
Eve rui mundao the.
Nang thei ni tu ham e
tuna nrui tei rui nui na
sa the. Nang kamei
kum puni the tuna nrui
rui sa the. Khou tei
Eve rui thingthai tei
tuni thao the. Nrui lat
tei nking lou na Eve rui
thingthai tei laa na tu
the.

3



Eve rui Raguang lat piu mak mei
tang, Adam ta nic thingthai tei
ti tu the. Adam nic Ai tu lak
ge, Raguang lat liam lak ge
tuna sa ni tuange
tiki sa mak khe.

4




Adam le Eve tei rui Raguang lat piu
mak na pap su mei gan khou kanei gaan nei
mei tei paliu the. Kum tina tadut nui rui
hui kariu lana phei suai khang su the.

5




Raguang rui kanei ta hou mak khang
tuna kanei rana su liam lana ramsung
lim khou nkam bam khuan the.


6



7




8



Adam le Eve kanei rui pap su
puijang rui Raguang rui kanei
ta charin mei Pikuan khou
rui kathau pat the.
Kumna Ringmei
Raguang khou
rui n-tam the.

9



Raguang rui kanei ta mai tuang
bangsang rui kathau pat lou na
kanei khang ramgi phei ti piu
lou the. Mi ramgi hei
tabui thang
rui Raguang
kamei la
tu cho?

10

Mi gan khou tei Adam le Eve kanei kaikhun suna
reillang mei na mpou puan the. Kajan rui Cain tuna
kao e. Mi tang kanei mei mpou puan dat khuane.

Kajan rui Abel kao e. Cain thu lao
taan mei e tiki Abel thu
laojiu gang mei
pu e.




11

Neikhat hei Cain rui Raguang khang kaipat khang
katuang phuling phung guang khuane. Tiki Abel
tho katuang laojiu pang khou rui gailiang mei phung
guang khuane. Khou tei Abel ta
Raguang kalung kun lou khuan
the katnic pian
lou the.


12

Tiki Cain ta tho Raguang rui pian lou lou
mak khe. Khou tei Cain rui Raguang ta
kalung puam the. Nang rui nchum na
taan ethei thou rui nang tuang kaipat
la lou mak puni na cho tuna Raguang
rui Cain khou tei sa the.




13

Tiki Cain lungpuam tei nchu kei
mak khe. Kanak bam pu khou
Cain rui lao thang kei na, ka kai
na Abel ta athung the. Kumna
kata su luai the.



14

Nang kai nac Abel tho tabui thang tat kan na cho? tuna Raguang rui Cain khou tei sa the. Ai thai mak ge, akai nac ta Ai jao bam mei pu e na cho? tuna Cain rui dao the. Mi khou tei rui thao na Cain ta Raguang rui pikuan lao taan bam mei khou tei rui kakai-kalao mak na ruan tat mei mansei ti su lou the.



15

Cain tei Raguang khou rui tat pat lana kaikhun duan lana lung tat kan the. Kumna, Cain nic kana, katou, katak gei pat na kandi lung padik pat the.



16

Kumna, Adam le Eve rui kakik-kata gei na lung pat khuan the. Mi dou tei tho ntao khang suang mansei guai tei kapanti sang na lung khuane.




17

Adam le Eve rui kana mpou Seth puan dat the. Raguang rui Abel phaan ti lou tuang the tuna sa na Eve rui kajan Seth phuak the.



18

Seth tei Raguang ta thai mei pu suna kating kum 912 tang na lung lou khuane. Kakik-kata nic aju nai lou du khuane.




19

Kanak guang pu khou mi kandi khou lung bam mei mansei guai na hei si khit khit thao the. Hei kum tina Raguang rui nkham khou mansei guai na ta Ai rui su man ngam ni the tuna kalung ding the khatnic ...



20

... Khouring-khouna khatnic
nruai-thaoruai kata na, Mansei
ta dam lou mei khang Raguang
rui kalung kabiou the.



21

Tiki Seth na mpou kajan Noah
kao mei pu tho Rachap tat na
khan bam mak na lung bam
khuane. Kamei Raguang
le tat ncham na bam
mei pu e.



22

Kamei kana mpou kathum nic nai khuane. Kaniu
ta Raguang lat piu khang kamei rui ncham
lou na bam khuane. Kumna, Raguang
rui Noah ta kathan mei khatnic
gailiang mei kadat dat
mei thiak khou
sin su khang



23

Mansei tuang Neila Kahou Mak Mei

Raguang tuang lat khou rui Pary,

Baibal/Bible khou rui phange

Thaureimei 3-6

"Nang lat akhou gut lou khou rui gaan
mei ti lou e." Kalumlu 119:130

Aniu rui si mei taan lou mei guai na ta Raguang rui thai e. Mi
ta tei pap tuna kao e. Pap tuang taanphi thu thei mei e.

Raguang rui nbaan ta hei di kam njian lou lou na Kana Mpou
khatna mei ta kros khou nang pap jang nang phaan thei lou
khang ndiu kei lou the. Kamei thei lou na Ringthao dat na
Tingkao tat kan the. Nang rui kakhou lum lou na nang pap guai
kuak lou khang nei ethei, kamei rui guang lou na nang pap kuak
lou puni.

Nang, pap khou rui kalai na duak pat ni ethei, Raguang khou
kalum tho. Njianmei RAGUANG, Jisu rui apap jang thei lou
na rigngthao dat kan mei ta Ai lum the. Alung khou gut lou na
apap guai kuak lou o. Kum ethei Ai ni panti kathan suna lung nu
khang, nang le Tingsaeng Ringsuang mei panti khou lung ncham
khang. Nang khang suna apanti hei lung khang khatnic nang na
su khang nkha lou o. Jisu jan khou nei e. AMEN.

Baibal Tingmikpum pana RAGUANG ta kachu o.